

... is Neiste aus Eimstock ...

Nu issis amtlich – su wie´s aa in unnerer Frein Press of dor Auer Seit geschriebl stieht:

Unner Bürchermaaster vorlässt sei geliebts Rothaus un gieht in Rente! Mor hatts zwar geahnt, aber net esu richtig glabn wölln.

Su viel Gahr im Amt, dor Dienstältste im ganzn Erzgebirgskreis!

Mit vieln Höhn un Tiefn hat ar siech befassn müssn un hat in dare lange Zeit viel Guts for sei Eimstock geta – alle Achtung dodorfier!

Des muss erscht emol e annerer noochmachn. Aagefange vu die schwierichn Aufgobn, die de Wend mit siech gebracht hat bis zen heitichn Zeitpunkt, wu de Finanzn hintn un vorne nimmer reign, im alle Aufgobn zer Zefriednhaat vu alln Eimstockern stemme ze kenne.

Unner Bürchermaaster un Voreinsmitglied Uwe Staab hat uns erscht im vorign Gahr de neistn Eiblick in seine Amtsgeschäfte gabn un dorleiert, wie siech su mannliche Sach net esu aafach maastern lässt.

Iech den, mir alle winschn ihm allis Gute, viel Gesundhaat un eweng Ruh un Besinnlichkaat in hoffntlich noch vieln Rentngahrn!

Eimstock hat dir racht viel ze vordankn!

Un wenn´s dir su is, komm aafach ze uns nein Vorein un hab noch lang Antaal an unnern lustign erzgebirgschn Hutznobndn!

E ganz harzliche Gkückauf! i.A. dor Schmidt



FAHRDIENST

Wer am 05.03.26 abgeholt und wieder nach Hause gefahren werden will, der möchte bis 17.00 Uhr anrufen:

Matthias Schürer Tel.-Nr.: **2666** oder **0179 2675015**



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt`l



Nummer
252

Mitteilungsblatt des
Erzgebirgischen Heimatvereines
Eibenstock e.V.

März
2026



Des war wieder emol e Winter, wa?

Original arzgebirgischs un imgewandlts Gereimts

Mei Friedl

Friedel, wenn iech diech saah,
alln sog iech´s laut:
Bist fei noch ne schiene Fraa,
alte gute Haut!

Mit die Faltle, die du hast,
mit de weißn Haar,
bist de schie, weil´s ze dir paßt
un ze deine Gahr!

Redst e mannichs Wörtl mit,
sogst uns mannichs na,
un wie dir die Lachn stieht -
steckst uns alle aa!

Aa in deine gutn Aagn
is noch Glanz genug.
Funkln tunne die!
Vonwagn,
du wärst nimmer gung!

Manfred Pollmer



Dor Spatz

Is flug e Spatz spaziern
naus aus dor grußn Stadt.
Ar hatt all die Menschn
un ihr Getu su satt.

Ar spitzt nu keck sein Schnobl
un pfiß siech wos neins Ohr.
Ar kam siech hier weit draußn
wie su ne Lerche vor.

Ar traf aa hier manch Rindvieh,
saah aa manch Haufn Mist...
Ar saah, des des wannersch
aa net viel besser is!

Heinz Erhardt

ins gebirgische imgemahrt vun Schmidt

Wir gratulieren unseren Heimatfreunden

Klaus Oelsner am 04.03. zum 69. Geburtstag
Heike Fülle am 08.03. zum 56. Geburtstag
Hans-Alfred Taube am 17.03. zum 74. Geburtstag



*Leute, die keinen Krieg erlebt haben,
wohl aber selbst Krieg führen oder provozieren,
wissen nicht, was sie furchtbares anrichten.*

- Helmut Schmidt -



*Wieder emol Lust
zen spielen?
Dann nicht wie hie:
am 5. März 2026, 18.00 Uhr
in de ImbissStub
an dor Vodlstroß !*

Ieberraschungsgäst

*- iech glaab, des sei de Bestn,
die iech eilodn konnt -*

*Donnerstich, ne 16.04., 18.00 Uhr
in dor Imbiss-Stub an dor Vodlstroß*

???

weil dar Maa - wies sinst im Märchn stieht - gar ken Bruder hat, is dor Grimmsche Urenkl eigesprunge un hat siech des Rosenrot aafach waggeschnappt.

Aa dor Zwarg war gar nimmer bieß un do hat ne de Stadt Eimstock neine Bauhuf eigestellt, nu als wos? Nu halt als Gartnzwarg!



Nooch dar ganz vorworne Märchn-geschicht hat unner Lothar de weitere musikalische Unner-maling iebenumme, e paar Musikwisch un alte, schiene Schlocher zen Tanz eigespielt.

De Karin, die schu währnd ne Märchn is Mikro hie un har trogn muß, hat aa noch ne klaane Bolonäs aagefiehr, die is eweng kurz gewaasn, weil de Musik net lang genuch gereicht hat.



Ansinstn hat e mannicher noch drauf gewart, des wie in den vorharign Gahrn e paar Büttredn oder annere Sachn zen Eisatz kame – aber des hat diesmol gefahlt. Trotzalledam wars wieder e ganz lusticher beschwingter Obnd mit Extra-Tanzeilogn un viel Spaß for allezam, kaaner wollt su richtig eham gieh, alle ham racht lang bei de fleißign Imbißleit an dor Vudlstroß ausgehaltn! **Bis zer nächstn Fosnd 2027 – un wenn´s eich gefallen hat - vielleicht wieder mit nern vorwannltn Grimmischn Märchn - e ganz harzlichs Glückauf vun eiern Schmidt!**

Schneeweißchen & Rosenrot im Nonnehaisl zu Eimstock



Unner diesgähricher Voreinskarneval war diesmol direkt zur Weiberfosnd. Wie immer gibts e paarle, die nicht mit dare Aaputzerei ze tu ham wölln, aber die annern ham siech dodorfier viel Müh gabn un siech mit allerhand schenn Sachn rausgeputzt.

De Begrießing hat unner Kerstin mit nern lustign Vürtroch gemaastert un glei emol Sekt auftischn lessn. Dar is vu de Geburtstich – Spendn - Galder rausgesprunge.

Mit lusticher Fosndmusik wurd gelei drauf aa schu de gute Asserei serviert un alle konntn siechs schmeckn lessn. Nochdam de Tisch wieder ogereimt warn, sei e paar vorschwundn, im siech in e paar altbekannte Märchnfigurn ze vorwannln.

Vorne am Mikro stand su e Urenkl vu de Grimmschn Brüder un hat in den ihrn Auftroch wieder mol e Märchn weng imgewannelt un des aa noch in unnerer ehrwürdig Stadt platziert. Ims nochemol ins Gedächtnis zerickzerufn ne kurze Zamfassung:



Des Haisl vu dare Witwe un den schenn Maadn stand nu im Nonnehaislwald vu Eimstock. De zwee gunge Maad warn viel in unnerer Arzgebirgsnatur unnerwegs, ham Reisich gesammelt, Beer gepflückt (un aa viel dorvu genascht), siech mit all den Getier draußn gut vortrogn un aa mannichs Liedl wie z.B. vu „Unserer Heimat“ gesunge.



Aa dorham warn se fleißich un ham ihrer Mam bei dor Hausarbit geholfn. Immer „Wenn de Mam zen Simml gieht...“ ham se de Kich sauber gemacht, ordnlich gekehrt un Staub gewischt.



Ach ja, do hattn se doch in Wald su e komischs Händie-Ding gefundn. Des war ganz unitzich for se un do hamsis glei wieder fortgehaa, denn im Nonnehaisl gobs dozemol doch gar ka Innternet! Do hattn de Kinner noch aaständche Ruh un net su e Durchenanner wie heitzetog mit den vorricktn Soschl-Medischa-Zeich!



Irgndwann in Winter hats dann mächtig an dor Tür gekloppt, da Maad machtn auf un e großer Bär kam rei. Dar durft - wies ja bekannt is – an Ufn schlofn un de Maad tatn ne Schnee aus sein Pelz kloppn. Im Friehgahr is ar wieder im Wald verschwundn.



De Maad sei nern Zwarg mit großn Sack voller Gold begegnt, dar immerzu nâr geschimpft hat, wos is Zeich hält.

Die Zwee ham ne halfn wölln un sein Bart beschnieln, dar Zwarg is do richtig olber wurn un hatt se arg beschimpft. Dor Bär kam dorzu, hat ne ordnlich getatzt un dor Zauber war vu den beedn wag:

Dor Bär wurd e guter Maa, dar gelei des Schnee-weißl genumme hat, un

